

# Naupangte' Laisiangtho Pulakna

## Thawhkikni Masapen




A Gelh: Edward Hughes  
A Lim lak: Janie Forest; Alastair Paterson  
A Kaikhawm: Lyn Doerksen  
A Let: S. Thangboi Hatlangh  
A Hawmkhia: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada


©2022 Bible for Children, Inc.  
Phalna: Hih tangthubu zuaksawn ding ahieh kei buang  
leh teisawn leh khetkhiat kiphah hi.

1

Tua gamlum henhanna Mualpang  
ah numeinu ding a, dah  
mahmahin a lipkhaphuai  
tua thupiang a en hi.  
A tapa a si ding  
hita hi. Tua  
numeinu pen  
Jesu' nu Mary  
hi a, a tapa  
kikilhdetna  
singlamteh  
kiang' mun  
gamla lo  
khat ah  
a ding hi.



2




Hih thu bang hong ci piantheih a hi hiam? Hi zah a nuntaknuam a nungta kim lai Jesu, bang hangin lipkhaphuaitakin a nuntakna mawk bei theih ding a hi hiam? Bang hangin Pasion in a Tapa singlamteh tunga sihna a thuak dingin koih khong thei a hi hiam? Jesu in ama hihna gen khial kha hi ding hiam? Pasion a guallel himawh hiam?

3




Hilo hi, Pasion guallel dek lo hi. Jesu in sepkhialh khat beek nei lo hi. Migilote in amah a thahlup ding lamtak Jesu in tel mahmah hi. Jesu, a ngeek lai-in, a khangham Simeon in Mary kiangah hih bang dahna a tuah ding thu na genkhol zo hi.

4




Jesu a a kithah hun ding a tun ma deuh, nikhat nungak khat in paknamtui sathau tawh Jesu khe a zutsak hi. A nungzuite in, "Hih numei in dangka tampitak a mawkna-in beisak hi," a ci uh hi. Aizongin Jesu in, "Hih numeinu in na hoih khat a sem a hihi. Amah in ka kivuina ding a bawl a hihi," a ci hi. Hih bang kampau bel lamdang hi!

5




Tua khith a sawt lo in, Jesu nungzui sawmlehnithe lak a khat- Judas a kicipa in sumngo dangka 30 tawh Jesu lehheek dingin Siampiliente tawh thukimna a bawl hi.

6



Jew mite Pasion pawh ni in Jesu leh a nungzuite in a tawpna pen dingin an a nekhawm uh hi. Tua nitakin Jesu'n Pasion' thupizia leh amah a it mite tunga Pasion' kamciamte a nungzuite a genpih hi. Tua ciangin Jesu in a nungzuite' neekkhop ding anlum leh hai a hawm hi. Jesu' pumpi leh sisan in amaute mawhnate maisak hi, cih a phawk tawtungna ding uh deihna tawh hih banga a bawl ahi hi.

7



Tua ciangin Jesu'n a lawmte kiangah, "kei a hong kilehheek hun ciangin note in na hong taimang san ding uh hi," a ci hi. Peter in, "Kei bel taimang buang kei ning," ci-in a pang hi. Ahizongin Jesu in, "Ak khuanma-in thumveitak na hong nial khin ding hi," a ci hi.


8



Tua nitak mahin, Gethsemane huan sungah thungen dingin Jesu a va pai hi. Amah tawh a omkhawm, a nungzuite-in a ihmutsan uh hi. Jesu'n, "Pa aw, ... hih hai tawh hong kipelhsak in. Ahizongin keima deihna bang hilo-in, nangma deihna bang hizaw hen," ci-in thu a ngen hi.

9

Thakhat in mihonpi tua huansungah Judas makaihna tawh hong lut uh hi. Jesu na pang lo hi. Ahizongin Peter in mikhat' bil satkhiatsak a, Jesu'n tua mipa' bil a khut tawh lawnsakin a damsak hi. Hih banga a kimatna pen Pasian' deihna ahiah lam Jesu'n a tel mahmah hi.



10

Mipite in Siampi lianpenpa inn ah Jesu a hong paipih uh hi. Tua lai a om Jew uliante in Jesu thah ding a ngaihsun uh hi. Tua hun laitakin a gei mahmah a nasemte meilum awina mun panin Peter in Jesu a galet hi.



11

Hua lai a om mi pawlkhatin Peter enin, "nang pen Jesu tawh a kihawl ngei mikhat na hihi," ci in thumvei tak a ngawh uh hi. Thumvei tak mah Jesu gen bang tekin Peter in nial a, a thei kha ngeilo bang kekin kiciampha kikkik hi.



12


KI-KI-NGIK-NGIK

Tua khith lianin, Ak hong khuang hi. Peter a dingin Ak khuan pen Pasian aw tawh kibang hi. Amah in Jesu thugente phawkkikin, nakpitakin a kap hi.




13

Judas zong a gamtat khialna hong kiphawk hi. Jesu mimawh ahiah lohna leh mawhna a bawh loh lam a thei hi. Dangka 30 a lak pen siampite kiangah va tawikik a, ahizongin amau na sang nuam lo uh hi.



14



Judas in tua sum paimang a, innkong ah pusuakin, amah leh amah a va kigui-awh hi.


15



Rom gam ukpa, Pilate kiangah siampite in Jesu a hong paipih uh hi. Pilate in amaute kiangah, "hih mipa a mawhna ding bangmah ka mu kei hi," a ci hi. Ahizongin mipite kiko-in, "Singlamteh tungah khailum in,


khailum in," ci in a awng uh hi.

16



A tawpna ah Pilate in, Jesu singlamteh tunga kilhlup dingin thu a khensat hi. Tua ciangin galkapte in Jesu tum gawpin, cilphihin, a sat gawp lai uh hi. Zahko-in, a kumpi lukhu dingin linglukhu a lutungah khusak uh hi. Tua khith ciangin singlamteh tungah sihna a thuak dingin singlamteh tawh a kilhden uh hi.

17




Hih bang a si ding ahih lamtak Jesu in na thei gige hi. Ama' sihna hangin amah a muang mikhempeuh in mawhmaisakna a ngah ding lamtak zong a thei gige hi. Jesu ziat leh vei ah migilo nih zong a kikhai hi. Khat pa in Jesu um ahih manin Paradise mun ah pai a, ahizongin a dang khatpa in bel a um kei hi.

18



Hun sau veipi a thuak khith ciangin, Jesu in, "Manta Hi," ci-in a si hi. A nasep manta hi. A lawmte in midang khat hansungah Jesu a vui uh hi.

19



Tua ciangin Rom galkapte in a han dalna suang ciamtehin, a han a cing uh hi. Tu'n bel kuamah han sungah sungtum theilo-in, zong pusuak theilo hi.


20

Hih bangin Jesu tangthu bei  
mawk leh bangzah ta-in  
dahhuai ding a hi hiam.  
Ahizongin Pasion in a  
lamdang mahmahin  
a na hong sem  
hi. Jesu si  
paisuak lo hi.



21

Nipini khit a nimasa ni zingsangin  
Jesu' nungzui mipawl khatin  
hansuang kikhukhia a  
mu uh hi. Hansung  
a et uh hangin,  
Jesu na om  
nawnlo hi.




22

Han kiangah numei khat kapin, a  
om den hi. Tuanu' kiangah Jesu  
hong kilaak hi! Lungdamlua in  
hih thupiang a nungzui dangte  
hilh dingin a taikik pah hi.  
"JESU HINGKIK HI! JESU  
SIHNA PANIN HINGKIK  
HI!"



23

Tua khit a sawt loin Jesu a nungzuite  
kiangah hong kilaakin, a kikhudetna  
khutmapawnte a lak hi. Hi takpi hi, JESU  
HINGKIK HI! Jesu in Peter' mawhna  
maisak a, mi khempeuh tungah ama thu a  
tangko dingin a nungzuite a sawl hi. Tua  
khit ciangin a hong kipatna vantunggam ah  
Jesu a ciahkik hi.



24

Thawhkikni Masapen

Pasion kammal pana a hong suak hih tangthute  
a nuai a Laisiangtho

munte ah kimu thei hi

Mathai A Lian 26-28, Luka A Lian 22-24,  
Johan A Lian 13-21

"Na thu gentelna in Khuavaksak hi."  
Late Nambat 119:130

25

Beita

54

60

26

Hih Laisiangtho tangthu in nangma' theih ding a lunggulh, eite a hong piangsak, a lamdang i Pasion' thu gen belin nei hi.

Pasion in mawhna hia a ngaihsut na hoih lo tampi i sep lamtak a hong thei hi. Mawhna thaman in sihna hi a, ahizongin Pasion in nang hong it mahmah ahih manin, nangma' mawhna hanga singlamteh tunga sihna a thuak dingin a tapa Jesu a hong sawl hi. Sihna panin Jesu kinungtasakkik a, tu-in ama inn ahi - vantunggam ah a om hi. Na mawhna khempeuh hong kimaissak theihna dingin na lungsim khempeuh tawh Jesu um inla, na mawhnate pulak in. Tua hi leh na kiangah amah hong pai-in na sungah hong teng ding a, a tawntungin amah tawh nuam nasa khawm ding uh hi.

Hih thu pen thuman hi, ci-a na up leh Pasion kiangah hih bangin thungen in: Kong it Jesu aw, a nungta Pasion na hihi, cih ka hong um hi. Keima' mawhna hangin sihna a thuak dingin mihing khat in na hong suak a, tu in gualzo in na thokik zo hi. Tua ahih manin nuntaknathak ka neih theihna ding leh a tawntung in na kiangah ka hong om theina dingin ka sungah hong teng inla, ka mawhnate hong maisak in. Nangma' ta banga nungta ding leh a tawntung in nangma' thu ka man theihna dingin kei hong huh in. Amen.

Laisiangtho sim in la, Pasion tawh a nisimin kiho un! Johan 3:16